



JABATAN PERKHIDMATAN VETERINAR

LAPORAN PEMANTAUAN MEDIA

30 MEI 2025 (JUMAAT)

BAHAYA LEMBU SELEDUP UNTUK IBADAH KORBAN

MEDIA	RUANGAN	MUKA SURAT	TARIKH
Utusan Malaysia	Dalam Negeri	6	30 Mei



HARGA murah menjadi penyumbang kepada permintaan tinggi lembu seludup masuk Malaysia melalui pangkalan haram di sepanjang Sungai Golok, Kelantan.

Bahaya lembu seludup untuk ibadat korban

KOTA BHARU: Orang ramai yang ingin melakukan ibadah korban sempena sambutan Hari Raya Aidiladha pada 7 Jun ini diingatkan agar tidak membeli lembu seludup dari Thailand.

Ini kerana, lembu seludup dari negara jiran itu dipercayai tidak menjalani proses kuarantin oleh Jabatan Veterinar negeri dan berisiko membawa jangkitan Antraks yang boleh menyebabkan kematian kepada manusia.

Kebimbangan itu berasas selepas Thailand merekodkan kes kematian akibat jangkitan Antraks pada 1 Mei lalu. Antraks adalah penyakit menular teruk berpunca daripada bakteria *Bacillus anthracis* dan boleh membawa maut kepada manusia.

Pengerusi Jawatankuasa Pertanian, Industri Agromakanan dan Komoditi Kelantan, Datuk Tuan Mohd. Saripudin Tuan Ismail berkata, pemilihan lembu yang sihat dan berkualiti merupakan tuntutan Islam kerana ibadah korban menjangkitkan pahala besar kepada mereka yang melaksanakannya.

"Nasihat saya pilih lembu-

lembu tempatan yang dijamin bebas daripada sebarang penyakit berbanding yang diseludup.

"Kita mempunyai banyak baka tempatan berkualiti seperti Kedah-Kelantan hibrid serta kacukan seperti Brahman dan sebagainya," katanya.

Tuan Mohd. Saripudin memberitahu, walaupun harga lembu tempatan agak tinggi berbanding seludup, namun kualiti serta tahap kesihatan haiwan korban itu terjamin.

Kata beliau, setakat ini pihaknya tidak menerima sebarang data berkaitan jangkitan penyakit pada lembu di Kelantan.

Sementara itu, Komander Briged Tenggara Pasukan Gerakan Am (PGA), Datuk Nik Ros Azhan Nik Ab. Hamid berkata, sepanjang tahun lalu, sebanyak 385 ekor lembu seludup dirampas membabitkan nilai berjumlah RM2.88 juta.

Menurutnya, seramai 56 individu yang bertindak sebagai penghantar ditahan bagi membantu siasatan berhubung kes tersebut.

"Setakat Januari hingga 18 Mac lalu, PGA merekodkan ram-

pasan lembu seludup berjumlah RM2.11 juta," katanya kepada *Utusan Malaysia*, baru-baru ini.

Nik Ros Azhan turut mendedahkan, penggunaan dokumen yang berulang berkaitan proses pindahan lembu menjadi modus operandi utama sindiket untuk mengaburi mata pihak berkuasa.

Katanya, situasi itu menyukarkan PGA mengenal pasti kesahihan dokumen.

"Ini kerana, lembu yang dibawa mempunyai tanda di bahagian telinga. Bagaimanapun, kami membuat pemeriksaan penuh teliti bagi memastikan penyelewengan tidak berlaku," ujamnya.

Sementara itu, seorang penyeludup dikenali Ja, 45, berkata, harga murah lembu seludup dari Thailand menjadi penyumbang kepada kegiatan itu uterus meningkat.

"Jika belian secara borong harga lembu menjadi lebih murah sekitar RM2,300 hingga RM2,500 seekor, bergantung kepada saiz.

"Antara jenis lembu yang diseludup ialah baka Kedah-Kelantan, kampung dan brahman," katanya.

SEDIA BERPISAH DENGAN AWANG

MEDIA	RUANGAN	MUKA SURAT	TARIKH
Harian Metro	Lokal	9	30 Mei

Sedia 'berpisah' dengan Awang

Kuantan: Selepas lima tahun menjaga seekor kerbau bernama Awang, pemiliknya kini nekad menjual haiwan terabit untuk ibadah korban pada Aidiladha nanti.

Bagi Muhammad Faris Aiman, 25, sudah tiba masanya dia berpisah dengan haiwan berbadan sasa dengan berat kira-kira 650 kilogram (kg) itu selepas ada seorang individu sanggup membelinya.

Menurutnya, keputusan untuk menjual kerbau jantan kesayangannya itu dengan harga RM12,000 bukan kerana dia kesuntukan kewangan tetapi lebih kepada sudah tiba masanya berpisah dengan haiwan itu lima tahun bersamanya.

"Sebelum ini, sudah ada individu yang berminat untuk memiliki kerbau jantan berkenaan untuk dijadikan ibadah korban, namun ketika itu saya belum bersedia menjualnya kerana masih sayangkannya," katanya.

Dia yang memiliki kandang ternakan di Kampung Bukit Kuin dekat sini berkata, ayahnya yang mempunyai kira-kira 50 ekor kerbau sebelum ini menghadiahkan haiwan itu yang berusia setahun kepadanya.

Muhammad Faris berkata, kerbau itu sangat jinak dan boleh ditunggang serta bermain dengannya.

"Saya akan serahkan Awang kepada pembelinya sehari sebelum Aidiladha. Saya difahamkan pembe-

linya memutuskan untuk menyumbang haiwan terabit kepada pihak madrasah di daerah ini untuk dikorbankan.

"Saya sudah menjual lebih 300 ekor lembu baka Kedah-Kelantan untuk ibadah korban tahun ini dan jumlahnya dijangka bertambah lebih dua kali ganda berbanding tahun lalu.

"Setiap tahun saya tidak menghadapi masalah untuk memasarkan lembu tempatan Kedah-Kelantan termasuk lembu baka Brahman dan Charolais serta Bali.

"Tempahan diterima sebulan lalu dan diagih secara berperingkat mengikut permintaan pelanggan hingga selewat-lewatnya sehari sebelum Aidiladha," katanya yang menjual lembu korban antara RM4,000 hingga RM6,000 mengikut saiz.



MUHAMMAD FARIS memandikan kerbau balau bernama Awang yang dijual dengan harga RM12,000 untuk ibadah korban.

MEDIA	RUANGAN	MUKA SURAT	TARIKH
Harakah	Naratif Pulau Mutiara	4	30 Mei

Pencemaran najis babi, kilang haram di Pulau Pinang

Oleh **SARINA ISMAIL & NOOR SARA MASHITOH MOHAMAD HANIF**

GEORGE TOWN: Mohd Sobri Saleh (PN-Permatang Berangan) membangkitkan isu pencemaran Sungai Keroh yang terus menghantui kehidupan penduduk di sekitar Permatang Berangan, Tasek Gelugor di mana sehingga kini masih tiada penyelesaian.

Katanya, pencemaran sungai yang berpunca daripada pembuangan terbuca sisa kumbahan najis ternakan babi terus berlarutan walaupun aduan telah dibuat sejak lebih empat dekad lalu.

"Masalah ini bukan baru, sudah lebih 40 tahun. Saya telah membangkitkan isu ini sebanyak tiga kali dalam dewan yang mulia ini.

ketika mengambil bahagian dalam ucapan petbahasan Sidang Dewan Undangan Negeri (DUN) Pulau Pinang minggu lalu.

Tegasnya lagi, pencemaran itu bukan sekadar menjadikan air sungai kotor dan berbahaya, tetapi turut menyebabkan pencemaran bau yang melampau sehingga mengganggu kehidupan harian penduduk.

"Kita kata bahawa industri ini memberi sumbangan kepada ekonomi negeri, tetapi ia tidak boleh dijadikan alasan untuk menafikan kesejahteraan rakyat dan keselamatan alam sekitar. Kedua-duanya mesti berjalan seiring," ujarnya.

Dalam pada itu, kerajaan negeri turut digesa mencari jalan penyelesaian terhadap isu kilang haram, sebagaimana dibangkitkan



Amir Hamzah Abdul Hashim

oleh **Amir Hamzah Abdul Hashim @ Md Hashim (PN-Permatang Pasir)** dalam ucapannya.

Kata beliau, terdapat ham-

pir 488 kilang haram di negeri itu dan situasi ini boleh menyebabkan Pulau Pinang kehilangan pendapatan daripada cukai perniagaan dan bayaran lesen.

"Malah kilang-kilang haram itu juga telah mengakibatkan pencemaran, sama ada pencemaran udara, air mahupun tanah. Pencemaran ini akan menjejaskan kesihatan manusia.

"Air kumbahan tanpa pemantauan yang dialirkan ke dalam sungai atau parit boleh menyebabkan sungai tercemar dengan pelbagai bahan toksik," tegasnya.

Menurutnya lagi, kewujudan kilang haram yang banyak di negeri itu mencerminkan kelemahan pengurusan kerajaan negeri, termasuk dari aspek penguatkuasaan undang-undang.



Mohd Sobri Saleh

Malangnya, sehingga ke hari ini, penyelesaian tuntas masih belum kelihatan," katanya.

Beliau berkata demikian

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR